



La biblioteche storiche Florie –plui di dodis mil volums, opusculi, oparis a stampe e manuscrits dâts dongje de metât dal Sietcent incâ – e tornarà te sô sede originarie, il Palaç Flori di Udin, sede centrâl de Universitàt furlane. Di resint a Udin al è stât firmât l'at notaril lâchel il professor Attilio Maseri, in presince de retore Cristiana Compagno, al à donât la biblioteche al Ateneu. Cumò la colezion e je conservade inte Vile Florie di Passarian di Pave e intai mêis che a vegnin e sarà metode vie inte sô colocazion “natural”, la Sale dal Consei di Palaç Flori. Di là dal materiâl librari, ae Universitàt i son stâts donâts ancje lis librariis di len originariis, che a

laran indevant a tignî i volums prezioûs, e la part dal Archivi Flori che e jere restade in custodie de famee e che e podarà pandi pagjinis no cognossudis o pôc cognossudis di vite private e publiche dal Friûl.

Al è un patrimoni storic e culturâl di grant rilêf, fra chei plui grancj e prezioûs dal Friûl, tant che altris coleziions impuartantis conservadis te Biblioteche Vuarneriane di Sant Denêl o te Biblioteche Arcivescovil di Udin. La biblioteche Florie e testemonee un interès letarari, scientific, tecnic e, plui in gjenar, culturâl tipic de seconde metât dai Sietcent, la Etât des Lums. Il so nucli primitif, indizi significatîf dal inseriment di Udin intal dibatiment erudit internazionâl,

La biblioteche Florie donade al ateneu

In graciis dal mecenatisim dal luminâr Attilio Maseri la preziose colezion storiche e tornarà inte sede originarie di Palaç Flori

al è stât preparât da fradis Francesc e Denêl Flori, tra i protagoniscj de vite civil, religjose e culturâl furlane di chê volte.

Intal di graciis al professor Maseri, la retore Cristiana Compagno e à evidenziât «la impuartance dal at di gjenerositât straordenarie di à tornât ae proprie “cjase” une testemoneance eccezionâl de vitalitât culturâl dal Friûl».

Un at che, pe retore, «al è un esempli di cemût che ancje i privâts, ispirâts di mecenatisim iluminât, a puedin sostignî la Universitàt e la sience favorit cun chest il progrès de societât e un futur positif pai nestrîs zovins». La Compagno e à anunziât cun

di plui che l'Ateneu, «cun sience responsabile dal so rûl e metarà a disposizion chest capitâl storic e culturâl straordenari no dome de sô comunitât di

zialtâts scientifichis e culturâls». «Mi fâs tant plasê – al à dit il professor Attilio Maseri – che la idee de donazion e sedi stade condividude de retore Cristiana

Compagno e de Universitàt dal Friûl. Si è completât cussì l'iter che al à ripuartât la biblioteche a Palaç Flori, dulà che e jere stade pensade, progettade e costruide. I fradis Francesc e Denêl Florioa saran contents di cjatâle di gnûf dulà che le vevin fate nassì».

L'imperatîf de Universitàt dal Friûl al è cumò chel di vierzi e fâ gjoldi plui che si pues un patrimoni tant prescât, garantint

però ancje la sô conservazion e la sô sigurece cu la colaborazion di sogjets publicis e privâts.



In spiete di vè la biblioteche, te universitàt a àn provât a immaginâ cul computer cemût che e vegnarà la sale dal consei cu lis gnovis librariis. Sore, il professor Maseri al ricêf de retore Compagno il sigil dal ateneu.

docents e students, ma ancje de citât di Udin e di dut il Friûl cul obietîf di valorizâ lis sô poten-